

## مدرسة سلوان الابتدائية للبنات

سكتش 3: لا تعطي الكلمة السرية ( كلمة المرور للبريد الالكتروني )  
لأي شخص باستثناء الوالدين . إعداد المعلمة هيفاء عبيدات

تمثيل الطالبات : وعد عباسي ، شريماء عديله من الصف السادس أ والطالبة ياسمين  
أبو ناب من الصف السادس ب .

### المشهد الأول

وعد : مرحبا ، كيفك ياسمين

ياسمين : هلا حبيبتي وعد ، الحمد لله بخير

وعد : حلو كثير المسنجر عندك : حاطيتيله خلفية ورد وعليه كمان فراشات بتتحرك ، بجد  
كثير حلو

ياسمين : عجبك : شكرا كثير عيونك الحلوه .

وعد : يا الله شو روعه

ياسمين ابش شو فيه

وعد : اسمك المسنجر ( النك نيم ) عامله عليه زخارف ، كيف اعلمتية علميني اعمل اسمي  
انا كمان .

ياسمين : والله هدا في موقع على الانترنت بعمل هيك شغلات ، بس والله صعب اعلمك على  
المسنجر بده شغل كثير

وعد : بس انا حابه اعمل اسمي مثل هيك

ياسمين : بسيطة اذا بدك اعطيني كلمة المرور لايميلك وانا بعملك اياه .

وعد : كلمة المرووووور . ( و بتفكر وهي متردده ) .

ياسمين : اه كلمة المرور ابش فيها

وعد : بس بخاف ينسرق ايميلي والا يصيرله اشي

ياسمين : ما تخافي ما رح يصير اشي ، شو مش انا صاحبك ما بنتقي فيه ، وبعدين شو ممكن  
يصير يعني . والله انا حبيت اساعدك وانت حره

وعد : طيب خلص بعطيك اياها . بس دير بالك عليها ما تعطيهما لحد ( بتعطيها كلمة  
المرور و هي مرعوبة )

ياسمين : طبعا معقول انا اعمل هيك

وعد : ماشي انا هلا ماما بتنادي عليه بدي اروح بشوفك بعدين

### المشهد الثاني :

ياسمين : ( ياسمين بتضحك ) قال بدها ازخرفلها اسمها صحيح انها هيلة : رح افرجيه شو  
رح اعمل فيها : خليه تحرم تجيب علامات عالية و المعلمات يحبوها اكثر مني )

يلا خليني افوت على حسابها واشوف مين داخل من صاحباتها .

هه . هي صاحبتها العزيزة شيما . رح استنى هلا رح تحكيني مفكرتني صاحبتها وعد

شيما: وهي مبسوطه وعد هاي انتي كيفك شو اخبارك

ياسمين ( عامله حاله وعد ) : اه هي انا خير شو فيه ،

شيما : وعد شو صايرلك هاي انا شيما

ياسمين : شو يعني عرفنا شيما ، اضربلك سلام ، مناص عليه الا انت

شيرين : وعد انا مش مسدئه انه هاي انت

ياسمين : لا يا ستي سدئي و بعدين انا مش فاضيه لكلامك الفارغ ، فكي عني وشوفيلك حد  
تاني غبي متلك تحكي معه .

شيما: بتبكي : مستحيل هاي تكون وعد

### المشهد الثالث

وعد : مرحبا شيما

شيما : ما بترد

وعد : شيما حكيت مرحبا ليش ما بتردي

شيما : وبدك اياي ارد بعد الكلام اللي حكتيلي اياه

وعد : أي كلام ، عن شو بتحكي

شيما : وكمان عامله حالك مش عارفه ، انسي تي الكلام اللي حكتيه مبارح ، اصلا كنت بدي  
اعملك حذف من عندي .

وعد : شو عمليلي حذف لشو كل هدا ، ايما انا حكيت معاكي هالكلام

شيما : مبارح المسا الساعة 8

وعد : مبارح الساعة 8 ( بتفكر ) بس والله مش انا ، وبعدين بتعرفي انا كنت في خطبة اختي

شيماء: والله هدا اللي صار انتي فتى على المسنجر وحكتيني بطريقه كثير وقحه

وعد : انا هلاء عرفت

شيماء شو عرفتي

وعد: عرفت مين عمل هيك

شيماء : مين

وعد : انا اعطيت كلمة السر تبعتي لياسمين علشان تعملي زخرفه لاسمي

شيماء : وانتى كيف بتعملي هيك ما بتذكري شو حكتلنا المس . ممنوع نعطي كلمة السر ولا لأي حد الا لأبونا وامنا . حتى لآخونا واختنا حكنا ما نعطيها

وعد : يا ربي انا هلاء شو بدى اعمل .

شيماء : ولا يهملك انا رح اجي عندك وفرجيكى كيف تغيري كلمة السر وما عاد هالياسمين هدى تفوت على ايميلك

وعد : يا ريت بس هيك ، لس فيه مصيبه اعظم

شيماء : خير شو فيه

وعد : من اكمن يوم مستلم تلفونا شاب وكنت مستغربه من فين جاب الرقم . هلاء عرفت هاي ياسمين عطته اياه . شو بدى اعمل هلاء

شيماء : انا بحكيك شو رح نعمل ونرتاح من هالمشكله

وعد : شو الله يسعدك احكيلى

شيماء : هلاء على طول بنروح وبنخبر اهلك وهم بوقفوا الشب عند حده وبغيروا رقم التلفون

وعد : معك حق لازم احكى لأهلى هنه بس اللي بقدرنا يحلوا المشكله ،

وما عاد بحياتي اعطي كلمة المرور تبعتي لحدا .